

Педагогикалық кеңес.

Хаттамa №1

31.08.2022жыл Қатысқандар саны:

Тақырыбы: « Балаларды 5 дағды бойынша тәрбиелеу- педагогтардың басты міндеті»

Күн тәртібінде:

1.Балабақшаның жылдық жоспары мен ұйымдастырылған іс-әрекет кестесін ,күн тәртібін бекіту туралы.

Меңгеруші –М.Усербаева.

2. ҚР. Оқу –ағарту министрінің 2022 жыл 13 тамыздағы №348 бұйрығы және ҒБМинистрінің 2008 жылығы №77 қаулысы бойынша МДҰ-дағы білім беру мемлекеттік стандартын талқылау туралы. Әдіскер-ЛЖекенова.

3. «Робототехника » технологиясы.Баяндама туралы. Әдіскер- Л.Жекенова

4. Тәрбиешілердің шығармашылық жұмыс тақырыптарын бекіту туралы.Меңгеруші - М.Усербаева.

5. Психологиялық тренинг: «Мен -ғажапшын». Психолог-Ұ.Айдар

6. Балабақшаның ішкі еңбек тәртібі туралы. Меңгеруші-. М.Усербаева.

6. Бақылау және басшылық. тақырыбы: «Топтардың жаңа оқу жылына дайындығы қандай дәрежеде?» Шолу тексеру туралы.Меңгеруші-. М.Усербаева

1. Тыңдалды. Балабақша меңгерушісі М.Усербаева сөз сөйледі. Ол өз сөзінде әріптестерді 2022-2023 жаңа оқу жылымен құттықтады. Жаңа оқу жылында жаңа биіктерге жетуге , білімді және білікті ұстаз болып,кәсіби шыңдалып,үлкен жетістіктерге жете беріңіздер деді. –Әрбір бала-жеке тұлға,зияткерлігі мен қабілетін дамыта білсек, әрбір тәрбиеленуші жан-жақты ізденімпаз,зерек, ақыл –ойы мен зияткерлігі дамыған мақсатына табандылықпен жететін білімді ұрпақ тәрбиелеп шығамыз деді. Сондықтан ,қызығы мен қиыншылықтары қатар жүретін жұмыстарыңызға мықты денсаулық пен толағай табыстар тілеймін , -деді. - Биылғы оқу жылында біраз өзгерістер бар. Бұрынғыдай сабақпен шектеліп қалмайсыздар. ҚР.ДСМ-нің 2021-жылғы 13-шілдеді шыққан №59-бұйрығына негізделген балалардың бақшадағы күн тәртібі бойынша 5 білім саласының орнына дағдылар іс-әрекеттері –тәрбие саласына негізгі арқау болмақ.

Сөйлегендер:

А.Ағайдарова, тәрбиеші: -Армысыздар ,күрметті әріптестер,сіздерді биылғы жаңа оқу жылымен құттықтай отырып,биік-биік белестерді бағындыра беріңіздер деймін

Биылғы оқу жылы өздеріңіз талқылығандай , дағдылар жиынтығынан тұрады. Мадина апай,сіз бізге үнемі айтып отыратын едіңіз,балаларға сабақ беру аздық етеді,сабақ өтіп болған соң, дағдыландыру керек деп. Міне, енді осы дағды бізге стандартпен бекітіліп келіп отыр. Балаларды шаршатпай,шалдықпай ойын арқылы қызықтыра білсек ,сонда үлкен нәтижелерге жетеміз. Өйткені ,ойын-мектепке дейінгі жастағы баланың өмірінде үлкен орын алатын құбылыс.

2. Тыңдалды.Балабақша әдіскері Л.Жекенова сөз алды. Ол өз сөзінде Оқу –ағарту министрінің 2022жылғы 13тамыздағы №348 бұйрығына тоқталып өтті. Биылғы оқу жылында ұйымдастырылған оқу қызметі ересек топтарда денешынықтыру,қазақ тілі, музыка пәндері оқытылады. Ал бөбек топтарда дене шынықтыру мен музыка ұйымдастырылған іс-әрекеттері і өтіледі. Ал дағдылар күн тәртібімен ұштастыра отырып,5 дағды бойынша таңертеңнен кешке дейін өтіледі деді. Тәрбиешілер перспектива мен циклограммаларын 5 дағдыны қамти отырып,ұйымдастырылған іс-әрекет бойынша жоспарлайды. Сондай,ақ заттық -пәндік дамыту орталықтары Білім және Ғылым министрінің 2008жылғы №77 қаулысы бойынша мектепке дейінгі мекемелерді жабдықтармен және жиһазбен жарақтандыру нормалары бойынша жұмыс жүргізуіміз керек деді.

3. Тыңдалды . Балабақша әдіскері Л.Жекенова сөз алды. Ол өз сөзінде жаңа технологиялардың бірі –робототехника туралы баяндама жасады.

Сөйлегендер: С.Курбанбекова ,тәрбиеші: -Маған Лаура әдіскеріміздің жасаған баяндамасы өте ұнады. Робототехника әлемі - балалардың зияткерлігі мен ойлап тапқыштық секілді қабілеттерін дамытатын керемет технология. Балаларға алғашқы әрекеттері мен түрлерін үйретуімізге болады деп ойлаймын.Рахмет.

4. Тыңдалды .Балабақша меңгерушісі М.Усербаева сөз сөйледі. Ол өз сөзінде педагог-тәрбиешілерге шығармашылық жұмыс тақырыптарын бекіту туралы сөз сөйледі.

.

5. Тыңдалды.Балабақша психологі Ұ.Айдар «Мен -ғажаппын» атты психологиялық тренинг өткізді.

Сөйлегендер: А.Құлмұратова тәрбиеші: -Психолог әріптесіміз тренингке мұқият дайындалғаны көрініп тұр. Тәрбиешілерге жаңа серпіліс ,мотивация берді. Ұлданай ханым,рақмет сізге. Әрқашан биіктен көрініңіз.

6. Тыңдалды. . Балабақшаның ішкі еңбек тәртібі туралы меңгеруші Г.М.Усербаева сөз сөйледі :-Әрбір мекеменің өздерінің ішкі тәртіп ережелері мен бекітілген лауазымдық міндеттері болады.

- Бұл ережелер басшының қолы қойылып, мөрімен бекітіліп, көрнекі жерге ілінеді. Ішкі тәртіпті бұзған қызметтерге тәртіптік жазалар белгіленеді. Ол туралы ҚР Еңбек Кодексінің 63, 64, 65, 66 – баптарында жазылған. Ал енді біздің балабақшаның ішкі тәртіп ережелері қандай? Таңертең сағат 8-де жұмысқа кешікпей келу. 18,30-19,00-де жұмыстан қайту. Түскі үзіліске 1 сағ. тынығу уақыты беріледі. Балабақша аумағынан рұқсатсыз шықпау. Жатын бөлмедегі балаларды рұқсатсыз тастап шығып кетпеу. Жұмыс кезінде смартфон тел. ды қолданбау. Жұмыс уақытында тел. мен сөйлеспеу. Спирттік ішімдік ішіп келмеу, сабақ жоспарларын уақтылы жазу, көрнекіліксіз сабақ өтуге болмайды. Балабақша мүлкін ұқыпты ұстау, мүлік шығындарын өтеу. Міне, осы айтылғандардың бәрі мекеменің ішкі тәртіп ережелері болып табылады. Әбір тәртіп бұзғаны үшін қызметкерге 1 тәртіптік жаза беріледі. Мысалы, таңертең кешігіп келсе-ескерту, сабақ жоспарын жазбай келсе – сөгіс. рұқсатсыз топты тастап шығып кетсе – қатаң сөгіс беріледі деді, - меңгеруші. Ал ата-аналармен тәрбиеленушіге дөрекілік көрсетіліп, үстерінен ата-аналардан шағым түссе, тәртібін қарап, жұмыстан босатуға жұмыс беруші құқылы.

7. Тыңдалды. «Бақылау және басшылық». Шолу тексеру қорытындысы туралы Балабақша меңгерушісі М. Усербаева сөз сөйледі. -2022-жылдың 26-тамыз күні шолу бақылау жүргіздім. Тақырыбы: «Топтардың жаңа оқу жылына дайындығы қандай деңгейде?»

Бақылаудың мақсаты: Әрбір тәрбиеші топтарды стандартқа сай құрып, балаларға ашықтық пен қолжетімді етіп безендірулері қажет. Дағды беру материалдары мен көрнекіліктері балалардың жас ерекшеліктеріне сай келуі, және заттық – дамыту орталықтары 5 дағды бойынша жабдықталуы тиіс.

Бақылау нәтижесіне тоқталар болсам:

- 1) Заттық-дамыту орталықтары толық жабдықталмаған. Атап айтқанда, қарапайым математикалық білім бөлімінің құралдары, сенсорикалық оқу – материалдары, сондай ақ үлестірмелі карточкалар өте аз. Санамақтар, желімдер, гуашьтар мен қылқаламдар, түрлі-түсті қағаздар толық емес. Еңбек құралдары да өте аз.
- 2) «Табиғат бұрышы» мен «Ұлттық бұрыш» толықтырылмаған.
- 3) «Денсаулық саласының» құрсаулар мен кегли, секіртпелер, құм салынған қапшықтар әр балаға жетпейді.
- 4) «Қатынас» дағдысы бойынша да кемшіліктер бар. Үстел үсті театры, магниттік театр, қуыршақ театры көлеңке театр жоқ. ертегілер туралы кітапшалар мүлдем аз. Қалдық заттардан жасалған заттар бар, бірақ олардың түрлері аз.

Ұсыныс:

- 1) Тәрбиешілерге жоғарыда аталған заттардың бәрін жасап, жабдықтау жұмыстарына кіріссін. Мерзімі: 15.09.2022ж.
- 2) Безендіру жұмыстарына ата-аналар да қатыстырылсын. Мерзімі. 14,09.2022ж.
- 3) Еңбек құралдары толықтырылсын. Мерзімі. 14.09.2022ж.

4) Патриоттық-әскери бұрыш және сауықтыруға арналған материалдар қарастырылсын. Мерзімі: 14.09.2022ж.

5) Түрлі мамандықтарға арналған құрал-жабдықтар толықтырылсын. Мерзімі: 15.09.2022ж.

Сөйлегендер: А.Ағайдарова, М.Усербаева, айтылған кемшіліктердің бәрі дұрыс айтылды. Шынымен, көптеген көрнекілік материалдар жетіспейді. Мерзімін нақтылап бердіңіз, енді осы кемшіліктер бойынша жұмыс жүргіземіз.

Шешім:

1. Балабақшаның жылдық жоспары, ұйымдастырылған іс-әрекет кестесі мен күн тәртібі төрт топта да бекітілсін.
2. ҚР Оқу –ағарту министрінің №348 бұйрығы және ҚР БҒМ нің №77 қаулысы орындалсын.
3. Л.Жекенова. баяндамасы хаттамаға тігілсін.
4. Тәрбиешілердің шығармашылық жұмыс тақырыптары бекітілсін.
5. Балабақшаның психологі .Ұ.Айдар тренингі хаттамаға тігілсін.
6. Балабақшаның ішкі еңбек тәртібін Ің ережелері көрнекі жерге ілінсін.
7. Бақылау және басшылықтың шолу тексеруінің нәтижесі жоғарыда белгіленген мерзімде орындалсын.

Педагогикалық кеңес төрайымы:



М.Усербаева

Хатшы:



А.Ағайдарова

Педагогикалық кеңес

№2 Хаттама .

22.11.2022ж

Қатысқандар саны-7

Мақсаты: « Әрбір бала жұлдыздай, жарқырауға көмек бер».

Күн тәртібінде :

1. Өткен кеңес шешімдерінің орындалуы туралы.
2. Баяндама «Денсаулық технологиясы мен салауатты өмір салтының ережелері»
Баяндама. Кемелбекова Ж. Бақылау және басшылық. «Балалардың танымдық дағдыларын дамытуда әдіс-тәсілдерді тиімді пайдалану »
4. Ашық іс-әрекеттерді талдау туралы.
- 5..Психологиялық тренинг.

1. Тыңдалды. Балабақша меңгеруші Л.Жекенова сөз сөйледі. Ол өз сөзінде өткен кеңес шешімдеріне тоқталды.

–Балабақшаның жылдық жоспары мен ұйымдастырылған іс – әрекетінің кестесі мен күн тәртібі бекітілді.

Тәрбиешілердің шығармашылық жұмыс тақырыптары бекітілді. Психолог Ұ.Айдар психотренингі хаттамаға тігілді. Қызметкерлерге ішкі еңбек тәртібі түсіндірілді. Тәрбиешілер заттық-кеңістік дамыту орталықтарын толықтырды.

2. Тыңдалды. тәрбиеші А.Ағайдарова «Денсаулық технологиясы мен салауатты өмір салтының ережелері» атты баяндама оқыды.

Сөйлегендер : С.Курбанбекова, тәрбиеші : - Маған Айнұр ханымның жасаған баяндамасы ұнады. Салауатты өмір салтын ұстану-бүкіл халықтың алдындағы мақсат-міндеті. Біздер, тәрбиешілер де бала тәрбиелеу саласында жүргендіктен, салауатты өмір салтын үйретуіміз керек , - деді

3. Тыңдалды. Балабақша меңгерушісі Мадина апай 2022жылдың 18-қазан күні Бақылау және басшылық бойынша «Балдырған » ересек тобында тақырыптық зерделеу жүргізді. Тақырыбы: «Балалардың танымдық дағдыларын дамытуда әдіс-тәсілдерді тиімді пайдалану». Мақсаты: Тәрбиеші таным саласы бойынша балаларға қызықты әрі маңыздылығы бар жаңа технологияларды дұрыс қолдана біледі ме

Тәрбиеші : А.Құлмұратова Балалардың логикалық ойлау қабілеттерін дамыту мақсатында . «Үй құрастырамыз» тақырыбын алып ,балаларға түрлі құрастырғыш- леголардан геометриялық пішіндерді құрастырып алып ,содан кейін үйдің қабырғасын,шатырын,есік- теререзесін құрастыруды үйретті. Балалар қызыға орындады. Келесі сәтте Воскобович технологиясы бойынша тақтайшалардағы шегелерге резеңкені керу арқылы да түрлі геометриялық пішіндерден үйдің қабырғасын ,шатырын ,есіктерін жасауға болатынын үйретті. Балалар бұл әдіске де қызығушылық танытты. Жалпы алғанда ,тәрбиеші баллармен жұмыс жасауда тәжірибесінң мол екендігін байқатты. Алайда,балалармен жұмыс барысында еңбекке,ұйымшылдыққа, отбасы құндылықтарына арналған көркем сөздер мен мақал- мәтелдерді де үйретуі қажет еді. Қазіргі стандартқа енгізілген ерекшелік-баланы жан-жақты дамыту,дағдыландыру . Қорыта келе,тәрбиешіге «жақсы » деген баға беріледі , -деді меңгеруші.

4. Тыңдалды. Балабақша меңгерушісі сөйледі.Ол өз сөзінде 2022 жылдың 1қыркүйегінде «Балдаурен» ортаңғы тобында «30-тамыз-Конституция күні және 1-қыркүйек –Білім күні » атты ашық іс-әрекет болып өтті. Балалар мерекелік киім киген,ата-заңымыз бен білім күніне арналған тақпақтарын айтты.Қыздар тобы «флешмоб » биін биледі.Балалар «Атамекенр» әнін хормен орындады. Сондай –ақ «Әрқашан күн сөнбесін»әнін хормен айтты.

Жетістігі: Балалар хоры жақсы шықты.

Кемшілігі: Балалардың шығармашылық нөмірлері аз болды.

Ұсыныс:

Алдағы уақытта көрініс,рөлдік-желілік ойындарды қосу керек,- деді.

2022- жылдң 22 қазанда «Армысың,Алтын күз» атты балалардың қатысуымен ертеңгілік ұйымдастырылды. Тәрбиешілер-А.Құлмұратова(Ересек тобы), С.Курбанбекова(Ортаңғы топ). Екі топтың да тәрбиешілері жақсы дайындалған. Күз мезгіліне арналған тақпақтарын бүлдіршіндер өте жақсы айтып шықты. «Жапырақтар» биін екі топтың да қыздары икемділікпен жақсы биледі.Ортаңғы топтың қыздар тобы« Сары жапырақтар» биін жақсы биледі.Ересек тобының булдіршіні дері «Қырманға кел,қалқатай » әнін өте жақсы орындады .Қорыта келе, мерекені жақсы деңгейде ұйымдастырған тәрбиешілерге «жақсы» деген баға беріледі,деді меңгеруші.

5.Тыңдалды. Балабақша психологі педагоготармен тренинг ұйымдастырды.

Тақырыбы: «Менің көңіл-күйім» .

Шешім:

- 1.Өткен кеңес шешімдері орындалды.
- 2.тәрбиеші А.Ағайдарова баяндамасы хаттамаға тігілсін
3. «Бақылау және басшылық » бойынша тақырыптық тексеру қорытындысы бойынша тәрбиеші С.Курбанбековаға жақсы деген баға берілсін.
- 4 «Балдаурен» және «Балдырған» топтарының тәрбиешілеріне «Білім күні»ертеңгілігі мен күз мерекесіне ашық көрсетілім ұйымдастырғаны үшін «жақсы» деген баға берілсін.
5. Психолог ұйымдастырған психологиялық тренингі не «өте жақсы »деген баға берілсін және растайтын құжаттары хаттамаға тігілсін.

Педагогикалық кеңес төрайымы:



М.Усербасва

Хатшы:



А.Ағайдарова

Педагогикалық кеңес

№3-Хаттама

24.02.2023ж.

Қатысқандар саны: 7

Тақырыбы: «Дені саудың-тәні сау»

Күн тәртібінде:

1. Өткен кеңес шешімдерінің орындалуы туралы. Меңгеруші М.Усербаева.
- 2.«Дені сау баланы қалыптастыруға арналған тиімді әрекеттер нысандарын ұйымдастыру сапасы »Баяндама туралы. –Медбике Ж.Кемелбекова.
- 3 . Бақылау және басшылық . «Тәрбиешілердің жаңа технологияларды қолдану деңгейі қандай?»Тақырыптық тексерудің қорытындысы туралы.Әдіскер Л.Жекенова.
4. Педагогтардың білімі мен біліктілігін тестілеуден өткізудің тәртібі туралы. Меңгеруші М.Усербаева.
- 5 Қаңтар- Ақпан айында ұйымдастырылған ашық іс-әрекеттерді талқылау туралы. Меңгеруші М.Усербаева
6. «Үш жас дағдарысының психологиялық ерекшеліктері» туралы баяндама. Психолог Ұ.Айдар

1.Тыңдалды. Балабақша меңгерушісі М.Усербаева сөз сөйледі. Ол өз сөзінде өткен кеңес шешімдерінің жүзеге асырылғандығы туралы айтып өтті . «Бақылау және басшылық » бойынша «топтардың жаңа оқу жылына дайындық деңгейі » туралы шолу тексеруде анықталған кемшіліктер жойылды.

2. Тыңдалды. Балабақша мед.бикесі Ж.Кемелбекова «Дені сау баланы қалыптастыруға арналған тиімді әрекеттер нысандарын ұйымдастыру сапасы » атты баяндама оқыды. - Күнделікті баланың ақыл ойын арттыру үшін танымдық мағлұмат беріледі.Баланы тұлға ретінде қалыптастыруда оның дене дамуына көңіл аударуымыз керек. Бала ағзасының дұрыс дамуы үшін балабақшадасауықтыру мен профилактикалық міндеттер күнделікті күн тәртібінде жүйелі орындалуы тиіс. Денсаулықты жақсарту үшін баланы шыдамдылыққа,іскерлікке,психологиялық-физикалық үйлесімділікке бейімдеу қажет. Денсаулықты дұрыс қалыпта сақтау үшін қажетті негізгі мақсаттарға тоқталсақ: дені сау бала тәрбиелеу,дұрыс қарым -қатынас жасай білу. Денсаулыққа қажеттіліктер:салауатты өмір салтын қалыптастыру жайлы дұрыс мағлұматтар беру,материалдық-техникалық оқу базасын белгілеу,дене жаттығуларын жасау, спорттық бағдарламаларды көбейту,дұрыс тамақтану,іс-әрекетке белсенді түрде қатысу.

Сөйлегендер: С.Курбанбекова,тәрбиеші:- Мед.бике Жанна апайдың баяндамасы кең ауқымда жасалған екен. Бала-біздің болашағымыз деп ұрандап айтамыз.Шын мәнінде жас шыбықтай -баланың буыны бекіп,зайырлы,сергек ,еңбекқор ,отан сүйгіш патриот етіп тәрбиелеу оңай жұмыс емес. Сондықтан ,ата-ана,педагогтар және жалпы бүкіл қоғам болып тәрбиелеуіміз қажет деп ойлаймын.

3. Тыңдалды. Балабақша әдіскері Л.Жекенова сөз алды. Ол өз сөзінде 2022 жылы 12 желтоқсанда жылдық жоспарда белгіленген іс-шараны орындау мақсатында «Бақылау және

басшылық » бойынша екі топта, ортаңғы және ересек тобында салыстырмалы бақылау болды. Тақырыбы: «Тәрбиешілердің жаңа технологияларды қолдану деңгейі қандай?». Бірінші болып

«Балдаурен» ортаңғы тобында зерделеу болды. Тәрбиеші-Курбанбекова Салтанат. Тәрбиеші сурет салу бойынша «Домбыра » суретсалу дағдысын ұйымдастырған. Балалар алдын ала қиылған домбыра сұлбасын мақтаға орлған, бояуға малынған таяқша арқылы жеткіліксіз элементтерді аяқтап мысалы домбыраның құлағы, тиегі) безендіруді үйретті. Бұл жерде Гештальт бойынша арт-терапияны қолдана білген. Және серуендеу кезеңінде танымдық дағдылар: қоршаған ортамен танысу іс-әрекетін ұйымдастырды. Педагог артына :шаналар, ұлпа қарлар, күн, қолғап, шаңғы, коньки картиналарды үйінді қардың артында тұрып бір бөлігін ғана көрсетіп, қалғанын жасырып тұрады. Балалар неге ұқсайтынын болжап айтады. Бұл да баланың қиялы мен байқағыш қабілеттерін дамытуға арналған тиімді әдістердің бірі.

Екінші болып «Балдырған» ересек тобын талдады. Тәрбиеші –Құлмұратова Ақсәуле. Тәрбиеші жаратылыстану іс-әрекетін ұйымдастырды. Қар мен мұзды бақылау барысында тәжірибе жасуды қолданды. Сондай ақ, «қолғап» ертегісін қолғаптарды киіп ертегіні сахналады. Құрастыру іс-әрекетінде Денеш блоктары бойынша тік төртбұрыш пішіндерден телефон, ноутбук, кірпіш құрастыруға болатынын балаларға үйретті. Бұл жерде тәрбиеші көбірек ізденсе, қуыршақ театры мен көлеңке театрын қолданып өтуге де болатын еді. Жалпы алғанда, ортаңғы топ тәрбиешісі А.Жақсылық жаңа технологияларды тиімді пайдаланғанын байқауға болады. Қорыта келе, А.Жақсылық «жақсы», Құлмұратова Ақсәуле «орта деңгей» деген баға беріледі, - деді әдіскер. Және алдағы уақытта жаңа технологияларды оқып, ізденіп іс-әрекет барысында көбірек қолданып өтіңіздер, - деп қорытындылады.

Сөйлегендер:

Курбанбекова Салтанат, тәрбиеші: - Құрметті әріптестер, біздерге әлі де болса үйренетініміз көп екен. Алдағы уақытта жан-жақты ізденіп, балаларға үйретуге ат салысамын.

4. Тыңдалды. Балабақша меңгерушісі М.Усербаева сөз сөйледі. Ол өз сөзінде :-Жыл сайын педагог-тәрбиешілердің кәсіби дамуының табыстылығын зерделеу нәтижесінде аудандық немесе облыстық деңгейде ашық сабақтарын, сайыстағы жетістіктерін, оқу- тәрбие үдерісіндегі жеткен жетістіктерін дәлелдеу мақсатында модератор-педагог, зерттеуші, сарапшы –педагог санаттарын алу үшін тест орталығына барып, тестілеуден өтуі міндетті. Сондықтан, жыл сайын педагогикалық кеңестерде осы мәселені талқылап, санат бойынша бағыт-бағдар берілетіндігі жайлы айтты.

5. Тыңдалды. Балабақша меңгерушісі М.Усербаева сөз сөйледі. Ол өз сөзінде 2023 жылдың 21 қаңтар күні «Ақкөгершін» мектепалды даярлық тобында «Дені саудың-тәні сау» атты ашық ұйымдастырылған іс-әрекет болды. Тәрбиеші: А.Ағайдарова. Тәрбиеші топ бөлмесін тақырыпқа сай безендірген. Балалар ақ түсті спорттық киім киген. Тәрбиешінің қолында тапсырманы бастауға арналған ысқырығы бар. Алдымен ширату, жалпы –дамыту жаттығуларын біркелкі, ырғақты әуенмен орындады. Тәрбиеші балаларды «Сұңқарлар» және «Қырандар» деп екі командаға бөліп сайысты бастады. Сайыс 5 шарттан тұрды:

1. Топтың ұраны және сәлемдесу рәсімі.
2. Доппен ойын(екі бала кеуделеріне допты екі жақтан қысып тұрып мәреде тұрған себетке допқа қол тигізбестен салу керек). Екі топ бірдей ұпай алды.
3. Кеглилер арасынан өту. Екі топ та тапсырманы дұрыс орындады.
4. «Қармен » ойын . алдын ала ақ қағазды умаждап қар етіп дайындаған . бала жүгіріп келіп бір қарды алып себетке (1 метрден)дәлдеп лақтыру керек. Бұл сайыста «Сұңқарлар» командасы оза шапты.
- 5.сайыс- «Ұқсас пішіндерді орналастыру». Бұл сайыста «Қырандар»командасы артық ұпай жинады. Қорыта келе , «Сұңқарлар» командасы 3-2 ұпаймен жеңіске жетті. Меңгеруші Мадина апай сайысқа қатысқан балаларды алғыс хатпен марапаттады. Сайыс стандартқа,яғни жас ерекшеліктеріне сәйкес жақсы ұйымдастырылған. Тәрбиеші А.Агайдароваға «өте жақсы » деген баға беріледі ,-деді меңгеруші.

2023 жылдың ақпан айының 16 –күні «Балапан» кіші тобында «Үй жануарларының қысқы тіршілігі» атты жаратылыстану мен көркем әдебиет,сурет салу дағдылары бойынша ұйымдастырылған іс-әрекеті болып өтті. Тәрбиеші-Ұ.Айдар. Тәрбиеші «Қошақаным» әнімен балаларды топқа ән айтып алып келді.Балалар ән орындады. Жартылай шеңбер етіп отырғызып,картинамен жұмыс жүргізді. Үй жануарларына нелер жататынын түсіндірді. Келесі сәтте ,«төлдерін тап » атты үстел үсті ойынын өтті. Балалар жақсы ажыратты. Тәрбиеші аудиотаспа қолданып, «Бұл ненің даусы ?» деген дидактикалық ойын ойнатты. Қошақаным,ботақан,бұзауқан, секеңдеген лағым деген тақпақтарды балалар жақсы жаттаған. Сурет салу дағдысы бойынша қар үстінде тұрған жануарлардың бейнесін жасатты. Балаларға өте қатты ұнады. Тәрбиеші балалармен еркін жұмыс істей алады. Баурап алады ,дауысы жағымды,әсерлі. Бірақ, «Қыста жаурайды,тонады . ол үшін далаға жайылымға шығармаймыз, жылы қорада ұстаймыз .жем -шөп береміз,жылы су береміз деп қосымша мағлұматтармен ,видео арқылы көрсеткенде тіпті жан-жақты мағлұмат беріліп ,қызықты болар еді. Қорыта келе, тәрбиеші Ұ.Айдарға «жақсы» деген баға беріледі.

2023 жылдың 17-ақпан күні «Балдаурен» ортаңғы тобында «Орман жануарларының қысқы тынысы » атты ашық ұйымдастырылған іс-әрекет болып өтті. Дағдылар: Көркем әдебиет,жаратылыстану,сурет салу ,мүсіндеу. Тәрбиеші: Курбанбекова Салтанат. Тәрбиеші балаларды жартылай шеңбер етіп отырғызып, ой-қозғаушы әдісін қолданып, аудио -үн таспа арқылы орман жануарларының даусын естіртті. Біз орманға келдік деп,көз жаттығуын жасатты. Алдымен жануарлар туралы жаттаған тақпақтарымызды айтайықшы деді. Балалар өте жақсы жаттаған.Келесі сәтте диапроектор арқылы видеофильм көрсетті.Балалар қысқы орманды көріп отырып,онда тиіндер,қояндар мен қызыл-сары түлкілерді,бәрін дұрыс ажыратып отырды. «Не қалай қимылдайды?», «Бұл ненің дауысы? » атты ойындар ұйымдастырды. Балалар дұрыс тауып отырды.келесі сәтте балаларды екі топқа бөліп, бірінші топ қасқыр,түлкі ,аю, қоянды мүсіндеді. Екінші топ сол жануарлардың қар үстіндегі ойыншық- макеттерге ұнды себу арқылы суретін бейнеледі. Соңында ,тәрбиші көлеңке

театрын қолдана отырып, «түлкі мен қасқыр» ертегісін балаларға тамашалатып көрсетті. Қорыта келе, тәрбиеші С.Курбанбековаға «өте жақсы» деген баға беріледі деді.

Сөйлегендер: Л.Жекенова, әдіскер: - Құрметті әріптестер, бүгінгі кеңесте өте ауқымды мәселелер қаралып жатыр. Әсіресе, жылдық жоспарда белгіленген міндеттер бойынша, яғни таным және денсаулық дағдыларын 9 ай оқу жылы барысында тереңдетіп балаларға білім, білік дағдыларын үйретіп келеміз. Жалпы, біздің балабақшаның ғимараты қарапайым болғанмен, балалармен тәлім-тәрбиелік жұмыстар мем. стандарт бойынша өтіліп жатқанын біреу білсе, біреу біле бермейді. Меңгеруші Мадина апайымыздың көпжылғы еңбек тәжірибесінің өзі - үлкен мектеп. Оған дәлел, биылғы оқу жылына өзгерістер енгізілген стандарт бойынша іс-әрекеттерді сауатты етіп талдау - кез- келген басшының қолынан келе бермейді. Мен көптеген қалада, біраз бақшаларда жұмыс жасаған педагогпын. Екі іс-әрекетті және бақылау және басшылық бойынша да екі іс-әрекетті стандартпен талдағаны - апайдың осы саланың нағыз маманы екендігінің дәлелі. Рақмет апай, сізден үйренеріміз өте көп.

5. Тыңдалды. Балабақша психологі Ұ.Айдар сөз сөйледі. Ол «Үш жас дағдарысының психологиялық ерекшеліктері» туралы баяндама оқыды.

Сөйлегендер:

Курбанбекова Салтанат, тәрбиеші: Маған психологтың жасаған баяндамасы ұнады. Үш жас дағдарысы туралы жан-жақты дәлелді дәйектемелер келтіріп, баяндама жасаған.

А.Ағайдарова, тәрбиеші: маған да психологтың баяндамасы өте қатты ұнады. Нағыз менің тобымдағы 3,4 жас балаларға арналған екен, рақмет айтамын.

Шешім:

1. Өткен кеңес шешімдері орындалды.

2. Медбике Ж.Кемелбекова жасаған баяндамасы хаттамаға тігілсін.

3. 1) Бақылау және басшылық бойынша іс-әрекет ұйымдастырған тәрбиеші А.Ағайдарова «ортадеңгей» деген баға берілсін.

2) Бақылау және басшылық бойынша іс-әрекет ұйымдастырған тәрбиеші А.Құлмұратова «жақсы» деген баға берілсін.

4. Тәрбиешілер А.Ағайдарова және А.Құлмұратова модератор санатына баруға дайындық жұмыстары жүргізілсін. Өтініштері мен партфолио құжаттарының көшірмесі әдіскерге тапсырылсын.

5. 1) Жылдық жоспарға сәйкес спорттық сайыс ұйымдастырған тәрбиеші А.Ағайдароваға «өте жақсы » деген баға берілісін.
- 2) Ашық іс-әрекет ұйымдастырған тәрбиеші А.Құлмұратова«жақсы » деген баға берілісін
- 3)Ашық іс-әрекет ұйымдастырған тәрбиеші А.Жақсылық«өте жақсы » деген баға берілісін.
- 6.Психолог Ұ.Айдар баяндамасына «жақсы » деген баға берілісін. Баяндама хаттамаға тігілсін

Педагогикалық кеңес төрайымы:



М.Усербаева

Хатшы:



А.Ағайдарова

Педагогикалық кеңес

№4-Хаттама

29 .03.2023ж.

Қатысқандар саны: 7

Тақырыбы : «Жаңартылған мазмұнда жұмыс атқару-заман талабы»

Күн тәртібінде :

- 1.Өткен кеңес шешімдерінің орындалуы туралы. Меңгеруші М.Усербаева
2. «Воскобович технологиясының логикалық процеске әсері».Баяндама.
3. Ұйымдастырылған ашық іс-әрекеттерді талқылау туралы..Меңгеруші М.Усербаева
- 4.Психологиялық тренинг туралы. Психолог Ұ.Айдар.

1. Тыңдалды. Балабақша меңгерушісі М.Усербаева сөз сөйледі. . Психолог Ұ.Айдар баяндамасы хаттамаға тіркелді. Мед,бике Ж.Кемелбекова баяндамасы хаттамаға тіркелді.
- 2.Тыңдалды. Балабақша әдіскері сөз сөйледі .Ол «Воскобович технологиясының логикалық процеске әсері » атты баяндама оқыды.

Сөйлегендер :

С.Курбанбекова,тәрбиеші- Баяндама жақсы жазылған . Расында,бүдіршіндерді логикалық ойлау қабілетін арттыруға арналған ойындармен жастайынан дағдыландыру керек екен, саналарына қабылдаса,ол балалар болашақта білікті,есепке жүйрік, терең ойланып,бір нақты шешім қабылдай білетін болып қалыптасатыны сөзсіз. Рахмет баяндаманызға,Ұлданай апай.

3. Тыңдалды. Балабақша меңгерушісі М.Усербаева сөз сөйледі. Ол өз сөзінде ұйымдастырылған ашық іс-әрекеттерді талқылайтынын айтты.

2023 жылы 17 ақпанда «Балапан»кіші тобында «Үй жануарларының қысқы тіршілігі » атты ашық ұйымдастырылған іс-әрекет болып өтті.Дағдылар: Жаратылыстану,көркем әдебиет,сурет салу. Тәрбиеші А.Ахманова. Тәрбиеші іс-әрекетті «қошақаным»әнінен бастап,балаларға ән айтқызып,би билетті. Тақтада ілулі тұрған үй жануарларының суреттеріне назарларын аудартты, әңгімелеп берді.Балалардан не қайда өмір сүреді деп сұрады ,балалар жауап берді. Келесі сәтте үстел үсті ойынын өткізді. Телефоннан үй жануарларының дауысын естіртті. Сондай- ақ, балаларды шағын орталық аймағына алып барып, жануарлардың суретін құлактазалағашты бояуға батырып салу арқылы сурет салғызды. Балаларға сурет салған ұнады. Кемшілігі: ойын түрлерін көбірек қосу керек еді.

Жетістігі: аудио үн-таспадан үй жануарларының дауыстарын естірткені балаларға ұнады.

Қорыта келе, А.Ахманова тәрбиеші жақсы деген баға беріледі деді.

2023 жылдың 16 ақпанда «Балдаурен» ортаңғы тобында «Қысқы орман тынысы» атты ашық ұйымдастырылған іс-әрекет болып өтті.Тәрбиеші: С.Курбанбекова. Дағдылар: Жаратылыстану,көркем әдебиет, сурет салу .

Тәрбиеші балалармен сәлемдесіп, көзге жаттығу жасату арқылы «көзімізді жұмып,3 кедейін санасак –қысқы орманға кеп қаламыз»деп қызықтырды. Балалар орындады. Түрлі- түсті суреттерден орман жануарларының суреттерін көрсетті. Бұл не ? жуас аң ба, жыртқыш аң ба ? деген сұрақтар қою арқылы балаларға ой- түрткі әдісін қолданды. Орман жануарлары туралы алдын ала жаттаған тақпақтарын сұрады. Балалар тақпақтарын жақсы айтты.Келесі сәтте, диапроектр арқылы аңдардың қар үстіндегі қимылдары мен қоректенетін сәтін тамашалатты.. «Не қалай дыбыстайды?» атты ойын ойнатты. Балаларды шығармашылық аймаққа алып барып, аң үстіне ұнтақ сеуіп ,саусақтарымен бейнені өз қиялдарымен бейнелеп , аяқтап шықты. Өте әсерлі болды.

Келесі кезекте тәрбиеші көлеңке театры арқылы аңдарды: қоян, аю,тиін секілді аңдардың көлеңкесін көрсету арқылы балаларды сергітіп алды. ,балаларға тапқан аңдары туралы тақпақ айтқызып , рефлексия жасатты.

Кемшілгі: Балалар өте қатты шулап,бір-біріне кедергі жасады.

Жетісітігі: АКТ қолданды.

Қорыта келе, тәрбиеші Курбанбекова Салтанатқа жақсы деген баға беріледі деді

4.Тыңдалды. Балабақша психологі Ұ.Айдар педагогтарға арнап , «Мен ғажаппын» психологиялық тренинг өткізді.Әрбір тәрбиеші 5-6 сөзден тұратын тренинг өткізді.Мысалы,тау,ағаш,үй,жол,сақина,-осы сөздерден тұратын сурет салу керек. Соңында,психолог тәрбиешілердің жұмыс-дәптерлерін жинап,келесі күні талдау жүргізетінін

Сөйлегендер:

А.Ағайдарова,тәрбиеші,-Бүгінгі тренинг маған өте ұнады.Нәтижесінде сурет салудың техникасын,жалпы түрлі әдістерімен таныстық.Рахмет.

Ұсыныс:

-Балаларға 5 түйсігін дамытуға арналған с-әрекеттерді көбірек өтініз.деді меңгеруші. Психолог Ұ.Айдар-Рахмет апай,сыннан нәтиже шығаруға,көбірек ізденіп іс-әрекет өтуге тырысамын.

Шешім:

1. Өткен кеңес шешімдері орындалды.
2. Әдіскер Л.Жекенова баяндамасы хаттамаға тіркелсін .
3. А) Ашық іс-әрекет ұйымдастырған тәрбиеші А.Ағайдароваға жақсы деген баға берілсін.
Б) Ашық іс-әрекет ұйымдастырған тәрбиеші А.Құлмұратоваға жақсы деген баға берілсін.
4. Психолог Ұ.Айдар тренингі хаттамаға тіркелсін.

Педагогикалық кеңес төрайымы:



М.Усербаева

Хатшы:



А.Ағайдарова

Педагогикалық кеңес

№5-Хаттама

22.05.2023 -ж.

Қатысқандар саны: 10

Тақырыбы: «Дені сау ұрпақ-болашақ ұлт кепілі».

Күн тәртібінде:

1. Өткен кеңес шешімдерінің орындалуы туралы. Меңгеруші М.Усербаева
 2. «Салауатты өмір салты- балабақшадан бастау алады » Семинар-лекция туралы. Әдіскер Л.Жекенова.
 3. Жазғы мерзімнің жұмыс жоспарын бекіту туралы. Әдіскер. Л.Жекенова
 4. Бақылау және басшылық Балалардың қорытынды мониторингі туралы. Меңгеруші М.Усербаева
 - 5 Психологиялық тренинг туралы. Психолог Ұ.Айдар.
1. Тыңдалды. Өткен кеңес шешімдерінің орындалуы туралы балабақша меңгерушісі Мадина Батыровна сөз сөйледі. Әдіскер Л.Жекенова
- жазған баяндамасы хаттамаға тігілді. Психолог Ұ.Айдар.өткізген психотренинг материалдары хаттамаға тігілді.
2. Тыңдалды. Балабақша әдіскері Л.Жекенова « Салауатты өмір салты- балабақшадан бастау алады» атты баяндама жасады. –Құрметті әріптестер, бүгінгі менің баяндамам « салауатты өмір салты балабақшадан бастау алады » деп аталады. Олай дейтініміз,бүлдіршін жарық дүниеге келгеннен бастап, айналасындағы өмірге қызыға қарай бастайды, бәрін ұстап көргісі келеді. Сонымен қатар,үлкендердің жетекшілігімен , күнделікті барлық дағдыларды : ұйқы , жуыну ,тамақтану, ойын секілді дағдыларды бойына сіңіре бастайды. Дені сау ,зияткерлігі дамыған, физикалық дамуы жетілген,мінез –құлқы дұрыс бағытта қалыптасқан азамат етіп өсіру үшін күн сайын оларды шынықтырып отыру керек. Сондықтан ,салауатты өмір салтын бойларына сіңіріп, болашақ еліміздің мықты азаматын тәрбиелей білуіміз керек , - деді әдіскер . Л.Жекенова

Сөйлегендер:

С.Бижигитова,тәрбиеші: - Құрметті әріптестер,маған әдіскер Л.Жекенова жасаған баяндамасы ұнады. Өте жақсы жасалған. Салауатты өмір салты қазіргі заманның өзекті мәселесі болып табылады. Өткен ғасыр аяғында көптеген адамдар ішімдік пен темекі салдарынан айықпас дертке шалдығып,өмірлері қысқа болды. Қаншама отбасы асыраушыларынан айрылып жатты. Қазіргі заман бұрынғыдан да күрделі. Себебі химикаттан жасалған тағамдар мен сусындар көздің жауын алады. Балаларқызығып жейді. Салдарынан ағзалары білінбей уланып жатады. Сондықтан да салауатты өмір салтын ұстануды әрқашан есте сақтау керек.

3.Тыңдалды. Балабақша әдіскері Л.Жекенова сөз алды . Ол өз сөзінде 2022-2023 оқу жылы да аяқталып келеді. Үш ай жаз балалардың жаз мезгіліндегі өмірі мен денсаулықтарын ұйымдастыру, түрлі дағдылар бойынша балалармен жұмыс жасау жұмыстарын жүргіземіз. Ал тәрбиешілер перспективалық және циклограммалық жоспарларын түзіп, заманауи технологиялармен іс-әрекеттерді ұйымдастырып,балаларды дамытады. Басшымыз Усербаева Мадина жоспарларыңызды ,күн тәртібі мен ашық іс-әрекет жоспарларын бекітіп алуларыңыз қажет деді әдіскер.

4.Тыңдалды . Балабақша меңгерушісі Усербаева Мадина сөз алды. Ол өз сөзінде Балабақша тәрбиеленушілерінің 2022-2023 оқу жылындағы қорытынды мониторингі туралы айттып өтті.

Барлық топ тәрбиешілеріне ескерту берілді.

Сөйлегендер:

А.Ағайдарова,тәрбиеші: -Құрметті Мадина апай және әріптестер, бүгін 2022-2023 оқу жылының бесінші педагогикалық кеңесі болып өтті. Бүгін мемлекеттік стандарт бойынша тоғыз айдағы балалармен,педагогтармен ұйымдастырылған іс-шаралардың ұйымдастырылғаны туралы жетістіктер мен кемшіліктер ді саралап,талқылайтын кезең болып отыр. Барлық іс-шараларды толығымен атқарып шықтық десек қисынға келмес.Бірақ ашық ұйымдастырылған іс-әрекеттер ,макс атты серуендер ұйымдастырдық. Оқу жылынан бастап балаларды 3 кезең бойынша бағалау мониторингтерін жүргіздік. Әрине жұмыс бар жерде кемшіліктер де болары сөзсіз. Алда 2023-2024 жаңа оқу жылында жіберілген кемшіліктер бойынша бірқатар жұмыстар атқарамыз деп сеніммен айта аламыз.

5.Тыңдалды. Балабақша психологі Ұ.Айдар психологиялық тренинг өткізді.

Шешім:

- 1.Өткен кеңес шешімдері орындалды.
2. Салауатты өмір салты бойынша баяндама оқыған әдіскер Л Жекеноваға жақсы деген баға берілсін.
3. Жазғы-сауықтыру іс-шаралары 3 ай бойы жоғары деңгейде ұйымдастырылсын.
4. Балалармен тәрбиешілердің біліктілік деңгейіне қанағаттанарлық баға берілсін.
5. Психолог Ұ.Айдар қанағаттанарлық деген баға берілсін.

Педагогикалық кеңес төрайымы:



М.Усербаева

Хатшы:



А.Ағайдарова